

## এনআইইটিতে সেইপ প্রোগ্রামের সনদপত্র বিতরণ



যুবকদের দক্ষ করে গড়ে তোলা ও বেকারত্বের হার কমানোর জন্য সারা দেশে বিভিন্ন ক্ষেত্রে প্রশিক্ষণ দিচ্ছে বাংলাদেশ ব্যাংকের এসএমই অ্যান্ড স্পেশাল প্রোগ্রাম বিভাগ। স্কিলস ফর এমপ্লয়মেন্ট ইনভেস্টমেন্ট প্রোগ্রাম (সেইপ) প্রকল্পের আওতায় এ প্রশিক্ষণ দেয়া হচ্ছে। এরই ধারাবাহিকতায় বাংলাদেশ ব্যাংকের সহযোগিতায় ন্যাশনাল ইনস্টিটিউট অব টেকনোলজি (এনআইইটি) এ প্রোগ্রামের আওতায় প্রশিক্ষণ কর্মসূচি আয়োজন করে, যাতে ফ্রিল্যান্সিং ও গ্রাফিক্স ডিজাইনের উপর প্রশিক্ষণ অন্তর্ভুক্ত ছিল। তিন মাসব্যাপী প্রশিক্ষণে পাঁচটি ব্যাচে অংশ নেন ১২৫ জন ছাত্রছাত্রী। গত ১০ জুন ন্যাশনাল ইনস্টিটিউট অব ফ্যাশন টেকনোলজি মিলনায়তনে তাদের হাতে সনদপত্র তুলে দেয়া হয়। এ সময় প্রধান অতিথি ছিলেন বাংলাদেশ ব্যাংকের ডেপুটি জেনারেল ম্যানেজার ও স্পেশাল প্রোগ্রামের চিফ কো-অর্ডিনেটর মোস্তাফিজুর রহমান। বিশেষ অতিথি ছিলেন এনআইইটির উপদেষ্টা মোঃ আল-আমিন মোদ্দা। অনুষ্ঠানে এনআইইটির চেয়ারম্যান ইঞ্জিনিয়ার মোঃ আবদুল আলিম সভাপতিত্ব করেন। ওই অনুষ্ঠানে বক্তারা বলেন, আজ যারা গ্রাফিক্স ডিজাইন ও ফ্রিল্যান্সিং প্রশিক্ষণ নিলেন, আগামীতে তারা আইটি সেक्टरে গুরুত্বপূর্ণ ভূমিকা রাখবেন। তারা উদ্যোক্তা হয়ে বৈদেশিক মুদ্রা অর্জন করবেন।